

8°

254

LETTRES.

1616

8° etc.



1132

8° 25234

POEME,

UN HOME

Rampli d'ambition es ben
digne de compassion.



M. DCC. XI.

P O E M E.

*Un homme rempli d'ambition es ben digne
de compassion.*

A Quelou passion forte & folou,
Vous lou tourmentou & lou desolou
Ly gagnou dabor au cerveou
Ly fay ren veire que de beou
Fussou ty lou plus miserable,
Ly proumés ren que d'admirable
Ley charge, lei ben, leis hounours
Devon accompagna sei jours
Crey deja que de sa naturou
Es au-dessus de la routurou
Regardou coumou queitivié
Touteis leis autres routurié
Dins aquelei folou pensadou
Fay souven de paurei bugadou
Et per un ben imagina
Despens'aqueou quavié amassa
Afin que prengué pa per rire
Tout ce que veni de vous dire
Yeou voli vous lou confirma
Per un cas que ven d'arriba.

Un home sourti de Savoye,
A force d'esquichea l'ancheye,
S'er'amassa quauquei pata
Quavié beson de meinagea

4
Car conton dedin sa famillou
Tres enfan mal' & quatre fillou
Jugeas si eme tant de meina
L'on a beson de s'escarta
Coumou travaillavou sans cessou
Per hazar ou ben per adressou
Menavou ben son picho cas
Se tiravou de l'embarras
Avié lougea doas de sei fillou
L'une em'un sarten brescambillou
De cachea son nom n'es pas mau
Saben tous qu'es un Manescau
Et que per l'iaver de l'oubragi
Sensou sourti dou parentagi
Son beou pere tout à prepau
Liavié prepara de chivau
L'autrou fille avié agu en partagi
Aqueou Chivau en mariagi
Vesequi de gen tous conten
Leissen leis ista per un ten.

Re venguen à l'houstau dou paire
Fasié toujours ben son affaire
Dins aquestei paurou saison
Chabigué dous de sei garçon
L'eina per l'état dou mariagi
Va atrouba son avantagi
Puisque de sa feme a ressu
Per dotou milou beous escu
L'autre garçon quer'ana en classou

5
Et que sabié ce que se passou
Dins aqués monde de tourmen
Vouguet jouga plus suramen
Intret à dessein d'estre pere
Dins unou reglou fort austerou
Embrasset de sa voulonta
Lei souffrance & la paureta
Vivié conten lorsque pecaire
Dous droles qu'avien ren à faire
Ben aise de se bouffouna
Commenson del'interrougea
Touchant l'état de sa famillou
Digué qu'avié enca doas seour fillou
Un frere panca marida
Vous ly fan tout desgoubilla
Sachen tout l'état de sa rassou
Ly disen, si de la besace,
*C'est un état trop ravallé
Non le Ciel vous a destiné
A des choses plus elevées,
Il faut vous dire nos pensées
Nous vous estimons tous les deux
Et nous voulons vous rendre heureux,
Ils'agit de ne vous rien taire
Et vous decouvrir le mystere
Nous sommes d'haute qualité
Croyez le c'est la verité
Nostre tante est une Princesse,
Qui par esprit & par adresse.*

Abien sceu meriter en soy,
 L'estime d'un tres-puissant Roy,
 Nous souhaitons vostre avantage,
 Et par un double mariage
 Nous épouserons vos deux sœurs
 Et par un comble de bonheur
 Pour vous & toute vostre race,
 Au lieu de porter la besace
 Vous aurez un bon Evêché,
 Qui vous est déjà poeparé
 Le benefice est honorable,
 Son revenu considerable,
 Le titre de vostre grandeur
 Doit un peu flater vostre cœur
 Tout ce que nous pouvons vous dire,
 C'est de ne pas manquer d'écrire
 A vostre pere incessamment,
 S'il est d'un pareil sentiment.

Jugeas un pau s'aquel affaire,
 Enfestet aqueou jôüine fraire,
 Alor se retir' à l'escar,
 Vai escricour' un gran papafar
 L'adreiss' en droitur' à son pere
 Tenon conseou eme la mere,
 Et per ren fair' hor de prepau,
 Fan veni son gendre Chivau
 Dedins aquelo conferensou
 Fuguet conclu qu'en diligensou
 De vien escricour' à son garson,

Qu'acceptavon la condition
 Tau pé, tau man & per la poste
 Vous ly van faire la resposte,
 Et ly marquon expressamen,
 Que pousse l'affaire ardammen
 Aussitot qu'aques paure fraire,
 Recebet l'ordre de son paire,
 Monstret la lettre ei dous garson
 Que s'en mouquavon descondon
 Per tou jours mieou jouga lou role,
 Lou plus fin d'aquestei dous drole,
 Conseillet en'aques garson
 De lou mena dins Avignon,
 Mem'en droiturou chés son paire
 Afin de termina l'affaire
 L'enfan manqué pa de manda,
 Lou jour que devien arriba
 Vengueron en chaise roulante
 La voiture es mens fatigante
 Tout aussitot nostre Chivau
 Vay au-davan & lei ressau
 Et lei menou chés son beou paire
 Ses jamai vis un tal affaire
 Semblavon dedins aqueou jour
 Qu'arribessou nostre Seignour
 Nostre drole per pouliticou
 Ly fay dabor sarra bouticou,
 Disen querou pron travailla
 Que sarien leou de qualita,

Les manuscrits
 0107

Alor per celebra la festou ,
 Lei fillou couïferon sei restou
 Et toutei lei gen de l'houstau
 S'estringueron coumou de gau
 La taulou fouguet leou garnidou
 Coumenfon à faire la vidou
 Quand aques gendre pretendu
 Aguet ben mangea ben begu
 S'espuisavou en milou proumessou
 Eou noumavou ren que Princeffou
 Lei doas fillou d'aquel houstau
 Que creisien d'unou cane dau
 Sei couïfure eron tro coumunou
 Per unou si grande fourtunou
 Lei metiet touteis en lambeou
 Aquelei gen tan gargameou
 Vous prenien lei affron per rire
 Et ce ques encarou ben pire
 Per se mieou mouca dei paren
 Ly gitavou de tens en ten
 De vin à plen veire au visagi
 Lou beou paire avié prés la ragi
 De se veire tan mau trata ,
 Ero las de rant endura
 Anavou faire de ravagi
 A gra de gasta lou pontagi
 Mai sa feme dessu lou chan
 L'apeiset en ly remonstrant
 Qu'en esperent de recoupenfous

Fau dissimula leis ouffensous
 Lou tout finiguet su lou chant
 Revenon à l'argent contant
 Que la fille aurié per sa dotou
 Fallié que fuguessou un pau fortou
 Per respondre à la qualita
 D'aqueou que la devié espoufa
 Eou selon sei belle proumessou
 Diguét qu'avie pron de richessou
 Que voulié pas un sul denié
 Et que ly recouneissarié
 Dous mille escu jour de mariagi
 Et meme encarou davantagi
 Sen vai toujours en augmenten
 Et per mieou endourmi sei gen
 Monte quasi tout d'une fillou
 Jusques à soixante-siei milou
 Eou proumettet enca de plus
 De faire Evesque de Frejus
 Lou garçon qu'erou dins un ordre
 Lou mouceou eron bon à mordre
 Arou n'iavié pas un paren
 Que non esperessou de ben
 D'aver d'amploy per sei beou fraire
 Aco non ly coustavou gaire
 Nen devié aver dins un instan
 Dei plus riches & dei plus gran
 Anfin n'iaurié ben mai fa creire
 N'avien pa d'yeux per ly ben veire

Tant leis avié preoucupa
 D'aquelou grande qualita
 Poudien pa demoura plus gaire
 De retourna ver seis affaire
 Car l'avié deja qu'auque pau
 Que mancavon de seis housta
 Prenon congié dou parentagi
 Per se mai remettre en vouyagi
 Lei paren dedins lou moumen
 S'assembleon secretamen
 Per faire une boursou coumune
 Afin de poussa la fourtune
 Falié paga lou voiturin
 L'hounour lou demandavou anfin
 Falié recompagna aques drole
 Chivau devié faire aqueou role
 Falié se pourta fu lou ho,
 Et faire gran chiere & gran fio
 Dins aquestei paourous annadou
 Lei boursou seron escouladou
 Coumou toute la parenta
 Esperavou de profita
 Erou juste que s'ajudeffon
 Et que per aco fournigueffon
 Un chacun selon son mouyen
 S'assemblon don chez un paren
 Chivau qu'a la langue affiladou
 Presidet donc à l'assembladou
 Et après avé rapourta

Lei refon qu'aven allega
 Representet que lou beou paire
 Er'un pau cour din sei affaire
 Qu'avié fa basti son housta
 Et quaco l'avié espuisa un pau
 Que s'agissié d'une fourtune
 A touteis lei paren coumune
 Paregueron toutei conten,
 Et chacun dounet qu'auquaren
 Mai dedins aqueou parentagi
 N'iaguet un que fuguet plus sagi
 Vouguet jamai ren desgueina
 Chivau aguet beou à prechea
 Vesen que dins un tal affaire
 Aqueou que lou poudié micou faire
 N'avié pa gis de compassion
 Li diguet eme indignation
 Ana sias lou micou à vostr'aïse
 Mai conta que non vous desplaise
 Sarés lou plus paure de tous
 Aurés enca beson de nous
 Ayen fini la conferensou
 Es eou que fuguet deputa
 Per leis ana recompagna
 Et parce qu'aques enfetaire
 Prechavou dou vin dou beou paire
 Aussi ben que dei fromageon
 Qu'avié agut à sa discretion
 Agueron une grand'eisnou

Que renié de bonei choupinou
 La rampligueron au celié
 D'autre par an un grand panié
 Vont'arretengeton eme penou
 De froumageon qu'auquei dougenou
 Lou tout isten ben prepara
 Coumenferon de deslougea
 Dison adieou au parentagi
 Fagueron un huroux vouyagi
 Recoumanderon à Chivau
 De saluda ben tout l'houstau
 Qu'auque tens après lou beou paire
 Per toujours mieou poussa l'affaire
 Li mandou per un mulatié
 De froumageon un plen panié
 Aqueou que fasié l'embassadou
 Prés de faire son arribadou
 Din lou liou vonte de vieé ana
 Vai coumenfa de destria
 Su lou camin aquestei drole
 Que venien mai jouga son role
 Fan arresta son voiturin
 Parlon au mitan dou camin
 Volon leva la couverturou
 Dou panié, mai per aventurou
 Lei froumageon eron gasta
 Et lei fouguet toutei gita
 Aco fuguet petit affaire
 Aussi non leis estounet gaire

Sabien que ly mancarie ren
 Lorsque l'arien chés lei paren
 Coum'en effet lors qu'arriberon
 Lei joye se renouveleron
 Chasque paren au même jour
 Venguet per ly faire sa cour
 Ly servien pa de bagatelou
 Tout anavou per escudelou
 Et si Celsi vou l'avoüa
 N'a retira de bon pata
 Mai fau jamai que res se fonde
 Su lei plesi d'aquestou monde
 Car son toujours trompur & fau
 Et souven suivis de gran mau
 En effet à tant d'allegressou
 Succedet ben leou la tristessou
 Car lou gendre jusqu'au darnié
 Vous barrulet leis escalié
 S'en souvendra de la journadou
 Se faguet un estafiladou
 Et à la teste si vous plé
 Miraclé quan non se tué
 N'en deou beni la Prouvidensou
 Manderon querre en diligensou
 Un Sirurgien, un Medecin
 Fan chut chut afin dei vesin
 Fau rendre justice au beou paire
 Eou non espargnet ren pecaire
 Aussi fuguet ben leou remés

Que prengue garde un'autre fés
 Car d'ana de bon de vouladou
 Febla de la teste courbadou
 Vnou clau coumou de papié
 Vague jouga eme sei parié
 Yeou n'ai pas la teste ran durou
 Aussi fariéou pa la gageurou
 Dabor que fuguet en santa
 Songeron de s'en retourna
 Prenon lou camin de Marseillou
 Lei cargon mai coumou d'abeillou
 Au caleche l'iavié un queisson
 Quempligueron de provision
 Chivau l'intendant de l'affaire
 Recevet l'ordre dou beou paire
 D'ana mai leis accompagna
 Et quan farien arriba eila
 De prendre unou chambre garnidou
 Et de s'entreva de la vidou
 D'aquelei gen donte sourtien
 Serou vrai ce que disien
 Chivau diguet leissa me faire
 Yeou saurai ben leou leis affaire
 En effet isten arriba
 Coumenset d'abord de louga
 Une belle chambre garnidou
 Avié la bourse ben fournidou
 De la mounedou & de l'argen
 Qu'avié resaupu dei paren

Eila s'enquetavou san cesse
 Emplegavou son pau d'adresse
 A descouvri la parenta
 D'aquestei gen de qualira
 Leis autres qu'avien bone restou
 Et que jougavon de son restou
 Suppousavon à son plesi
 De lettres per micou l'endourmi
 Chivau que nauisié la lecturou
 Lou cresié coumou l'escriturou
 Son nebou pa men gargameou
 Dounavou aussi din lou paneou
 Dins aquelou belou cresensou
 Chivau se mettiet en despensou
 Lei regalavou fort souven
 Et n'espargnavou pa l'argen
 Lia douna n'es pas dyperbole
 De repas de doas tres pistole
 Un jour leis ayen invita
 Nost'oubrié voulen rafina
 Vai samena lou sou de rose
 Mai per triste metamorphose
 Au lio de reculli de flour
 Nan reculli que de douleur
 Coumou veirés dedin la suite
 Chivau fafen donc sei poursuite
 Marque au beou pere su lou chan
 Qu'aquelei gen eron puissan
 Queron d'une grande noublessou

Et que sa tante la Princesse
 L'avié tan soulamen escri
 De lettre queou même avié vi
 Et que per d'or & de richessou
 Niavié au-dela de sei proumessou
 Coumou leis avié regala
 Que l'argen l'ianavou manqua
 Qu'anfin per termina l'affaire
 Mandesse la fille & la maire
 Que s'ajustesson emai ben
 Et que pourtesson qu'auque argen
 Dabor eicy se prepareron
 Et en attenden rescrigueron
 A Chivau de veni au plu leou
 Parce que troubaon pa beou
 De s'expoufa dins un vouyagi
 Souletes sens' autre equipagi
 Quan Chivau fuguet arriba,
 Coumou tout erou prepara
 Si faguet pa longue demorou
 Su son depar pregon la norou,
 De voulé presta sei jouyeou,
 Son tour de perle ques fort beou
 Eme sa croux per sa parente
 Mai fuguet pas tant imprudente
 Diguét puisque ma belle soeur
 Ven deja d'aver lou bonhur
 De plaire em'un simple habillagi
 Ques beson de tant d'equipagi

Son mari piéi l'ajustara
 Tout coume bon ly semblara
 Partigueron don de la sorte
 Et Chivau fuguet son escorte
 Leissen leis ana ben content
 Et venen eis autre paren
 Falié veire quintou insoulensou
 Avien oublida sa neissensou
 Lou beou paire lou beou premié
 Anavou quitta lou mestié
 Vonte se cresié tant capable
 Qu'estimavou fort deplourable
 Lou fort dei paurei Moulinié
 Quan aurié quitta lou mestié
 Dins aquelou sote cresensou
 A vertiguet en diligensou
 Un que l'avié deja parla
 Per son moulin racoumouda
 De lou faire faire ou plu vite
 Car disié si lon mestié quitte
 En cau vous pourres adreissa
 Assuramen troubares pa
 Jamai de gen de ma pourtadou
 Conta lou per caus' assuradou
 Din sei superbeou ravarié
 Au mendie ouvragi que farié
 Lou troubaon tant admirable
 Que disié Ciel est-il crouyable,
 Cau fay aco que Dieou & yeou

Jamai si pourrié faire mieou
Helas quintou faute vau faire
Au public quan mourray pecaire
Anfin se lassavou jamay
De dire ay mourray ay mourray
Fau ben creire que prouphetifou
Car ven de faire une soutifou
Que fay ben veire ques un ay
Es agea vieoura gaire may
Ley Moulinié (non ly desplase)
A la mort van perdre un bel ase
Et per parla de son eina
La feme la jamai aime
Souvente fes lou querelavou
Et sans cesse ly reprouchavou
La dote quelle avié pourta
Disen qu'aurié mieou rescontra
Mai eici dins aquest affaire
N'ausavou pa parla pecaire
Lou mari ly disié à son tour
Vas estre Princesse de cour
Esyeou que tai fa ta fourtune
Si t'avieou pa tu n'aurieou une
De la premiere qualita
Qu'aurié de ben per t'entarra
La chousirieou sulou taillaire
Isten païsan lou pourrieou faire
Eme tei rougnoux mil escu
Poudieou pas abari eme tu

19
Non farás pa plus l'insoulente
Car as sujet d'estre contente
Lou cadet d'un autre cousta
N'erou pa pau embarrassa
S'estimavou pa d'une mine
Assez relevadou assez fine
Per pourta l'espase au cousta,
De bone féla confessa
Que se sentié pa lou couragi
Ly fasien un bel equipagi
Car per garni son juste cor
Ly fasien de beou bouton d'or
La Fransou l'i ly travaillavou
Et tandis qu'aco se passavou
Brescambille eme sei amis
Brandavou jamai dou logis
Unou de sei millieou praticou
Mandavou ferra à sa bouticou,
Sei chivau que n'avien beson
Noste drole erou em'un bouchon
Que songeavou plus à l'enclume
Si disian tout niaurié un voulume
Quan sa feme l'anet souna
Eou vous la mandet premena
Disen yeou ferrarai plus gaire
Veiran leou char gea leis affaire
Car ben luen d'estre manescau
Me vendian ferra mei chivau
Coulau eme sa belle maire

Poussavon toujours lei affaire
 Manquavon pa même un sul jour
 D'aver auprès d'elei la cour
 Noste chivau avié ben l'amou
 Que noumesson sa feme damou
 L'escriguet em'un sieou ami
 Que beleou encarou n'en ri
 Et per un parti tant illustre
 La fille pourtavou lei lustre
 Un jour per la faire beca
 Son pretendu se fet presta
 Passen davan une boutique
 Une pantoufle magnificou
 L'ianet fa veire en même ten
 Et ly diguet certainamen
 Quel'autrou sarié leou finidou
 La fille la troubet joulidou
 Fuguet pa pourtan per son nas
 Arribet piei un autre cas
 Que fau pa passa sou silensou
 Aquesteigen per complesensou
 Ayenresta chés lei paren
 Jusqu'au soir sensou cerca ren
 Per non avé perdu sa penou
 Voulien avé sa biasse plenou
 N'en parlavoun adrecheamen
 Mai la maire din lou moumen
 Diguet compreni aqueou lengagi
 Fau pa vous troubla davantagi

En effet su lou même chan
 Faguet pourta doli & de pan
 Que metteron dedin sei biassou
 Et ly renderon milou grassou
 Disen querou lou vrai mouyen
 Afin que tournesson souven
 Despui lon ten eisso durave
 Cependan l'argen s'escoulave
 La maire & Chivau prevesen
 Que sarien ben leou sens'argen
 Lei pregon de fini l'affaire
 Que Poudien pa tarda plus gaire
 Que l'argen l'ianave manca
 Qu'ansin poudien plus espera
 Alorelei dous complouteron
 Veici coumon se ly prengueron
 Per poudier se n'en depestra
 Après leis aver pron sussa
 Lendeman ché la belle maire
 N'en pareguet q'un mai pecaire
 Triste coum'un bounet de nuec
 Avié quasi la larme à l'uec
 D'une mine triste accabladou
 Ly diguet que son camaradou
 Crachave lou sang espura
 Et que n'en poudié pa escapa
 Excepta qun Dieou lou fagueessou
 Pourtan que ren non lei troublessou
 Que quau lou malheur n'en voudrié

En aqueou cas espoufarié
 La fille que l'iavien proumesse
 Que n'aurié pa mens de tendresse
 Per toutei leis autrei paren
 Que segur li farié dou ben
 Anfin per sei belei proumesse
 Calmet tout d'un ten la tristesse
 Qu'avien ressaupu lei paren
 Quan l'iavié conta l'acciden
 Metteron en eou sa confiance
 Leis quitte remplis d'esperance
 Cependan lou vegueron plus
 Noste gen eron ben confus
 Chivau diguet leissa me faire
 Me vau esclarci deis affaire
 S'en vai abourda lou pourtié
 Que ly dis en cau n'en voulié
 Coume vous autrei poudés creire
 Et qu'es ben facile de veire
 Eou fuguet pas assez badau
 Que de demanda lou malau
 Demande l'autre mai lou fraire
 Ly dis ah qu'es malau pecaire
 Ah Ciel respond alor Chivau
 Et l'autre quere aussi malau
 Coume vai-ti d'aquesteis hourou
 Helas tout lou monde lou ploutou
 L'entarreron hier soulamen
 Et lon-ten lou regretaren

Noste Chivau morne & ravaire
 Retourne ché sa belle maire
 Coumence de li rapourta
 Tout ce que venié d'arriba
 Fau pa negligea leis affaire
 Respond alor la belle maire
 Van toutei tres ver lou pourtié
 Veire ce que l'autre fasié
 Lou pourtié li dis mon bon fraire
 A dire vrai me méle gaire
 Dei malau de l'infirmarié
 Ai pron affaire isten pourtié
 Mai pourtan per vous satisfaire
 Vau veire demourarai gaire
 Agues la bonta d'espera
 Saurés l'état de sa fanta
 Manqueron don pa de l'attendre
 Au bout d'un pau anet descendre
 En coulerou coum'un lion
 Fasié duecs semblav'un dragon
 Alor d'une voix haute & forte
 Ly dis, Allons passez la porte
 Et vite, vous devriez rougir
 De vôtre maniere d'agir
 Songez de changer de demeure
 Et ne perdés pas un quart d'heure
 Sortez vite de ce pays
 Pour vostre profit je vous dis
 Qu'icy la nuit ne vous surprene

Vous en pourriez porter la peine
 Songez vite de decamper
 Car vôte vie est en danger
 Ves'aqui la paurou Princessou
 Dins une profondou tristessou
 Eron toutei tres de la pou
 Trevira coume de Jusiou
 Fouguet mettre à bas lei parurou
 La maire & l'oncle s'en voiturou
 S'en venon eici pas à pas
 En s'arrapen foutou lou bras
 Vequi touteis seis esperansou
 Que to nberon en decadansou
 Cependan vequi for'irgen
 Et despenfa ben folamen
 S'en conta lei turlupinadou
 Lei moucarié lei boufounadou
 Qu'enduraran, quan endura
 Cau faiaco la vanita
 Per voule montar à la cimou
 Lorgueil lei gitou, leis abimou
 Piu bas que non eron ista
 Devez don pa vous estouna
 (Per reveni à mon premié terme)
 Si yeou sousteni fort & ferme
 Qu'un homme rempli d'ambition
 Es ben digne de compassion.

In

N^o 25

BELLES

N^o.

In-

N^o.